

四  
書  
續  
談

四書續談外編下

太平咸學標翰芳輯

湯之盤銘

盤即槃內則鄭注云盟器與韋昭曰其浴槃在  
王藻名好古人三日沐五日浴據此有日字故有以  
此作盟器解者如今人之額面

君子無所不用其極

注似以至善為極論文氣則是極自新極新民為無所  
不用其極說到建極皇極尤遠

如琢如磨者自脩也

以攻其惡為脩。慝義參看。琢磨為攻。脩為脩慝。與脩身  
統言者不同。道學為益致其精。自脩為益求其淨。一窮  
理一去私。

人莫知其子之惡

呂氏春秋魯有惡者其父出而見商咄曰商咄不若吾  
子美彼以至美不如至惡尤乎愛也據此以惡作雖有  
惡人之惡正與碩字一類

爭民施奪

言爭民之財而先施其奪一串講即下文所云恃新鄭  
高氏說

楚書曰

古書失傳不定言出王孫圉昭吳恤注疏不妨兩引大學引述則豈有不辨所出作騎牆之見先示人疑之理周有八士為文主時人或宣王時人太宰之為吳為宋當日自了然後人未知耳皆不容為記者先作一番考別昭吳恤出昭王後在楚宣王時作大學者疑不及見

舅犯曰節

亡人無以為寶二句據檀弓為舅犯告晉公子語人多誤為公子對秦使又按趙文子謂舅犯見利不顧其君其仁不足稱也其人恰與二句相反蓋暗於為已謀明

於為主謀

寔能容之

經書多以寔為寔如賈命不猶實壩實壑韓詩皆作寔周語咨於故實即故寔趙魏之間實寔同聲相假借論寔本音却同是公羊傳寔來者何猶云是人來也穀梁傳寔來者是來也其字從是即以是為聲說文寔正也又正是也正與是互相訓杜預注春秋寔來曰寔實也其混淆久矣

國有道二段

塞即書剛而塞之塞剛是強塞同塞實也惟實故有守國有道未嘗使變人自變病隲其志國無道迫以必變

人遂變病易其操解為窮塞之塞因添出未遇時之字  
又於下句變言平生之字平生之字何必在死未遇時  
又獨非平生乎

君子之道費而隱章

此章承素隱來人以道深而求之隱不知道何嘗專隱  
乃費而隱而字縮上非轉下通章皆言道之費無一字  
說隱注理所以然云云解隱字義非大文本旨所在聖  
人所不知不能見道費難盡講到深微元渺大錯

言其上下察也

古讀察如際書傳中字多通上下察即上際於天下際  
於地之意

道不遠人章

為道而遠人則行怪矣不遠何怪之有此章承行怪來

詩云伐柯節

伐柯伐柯皆意中欲得之柯第重言之不可分所伐所執則字在下所執之柯猶以為遠與毛猶有倫意異執柯以伐柯此不遠之事而心猶恐遠故兢兢睨視於欲作之柯規所執之柯為則如此下故字接得直何義門論睨而視之非着力語只當一目了然於猶以為遠跌得起而下文故字之脉已斷更須別用字轉出

施諸已不願二句

安溪以下君子之道四即施已不願勿施於人之事語

意欠對、宜承以人治人句來、有加於人之外、已所不願、亦人所不願、勿施者、改即止、無過求、證明上節、較直截、素其位而行章

素位而行、即遵道而行、此承上遵道句、素字粘位上、重行字、行即如其素

譬如行遠章

道從卑邇起、可見中庸之理、此章承依乎中庸

鬼神之為德章

此下二章之綱、大德受命、鬼神之應、於人不爽也、達孝章、事親事神、一理耳

神之格思節



格即在也。如在上，如在左右，不可度也。不可射，惕然於鬼神之使也。引證上文，以著其顯。

夫微之顯節

中庸誠字，於此開端以下，俱明其理。如此夫，就鬼神指點出。鬼神不外誠，餘豈能外之。泥鬼神說誠，則單靠在微顯上矣。

子孫保之

三代固封舜後，南北朝世代遠矣。魏孝文詔訪獲東萊郡民，媯苟之復其家，畢世雖後王盛事，非舜之大德，何以致此。

壹戎衣而有天下

一語可證觀兵之矣。素不服。於是始服。一舉而天下定。不再著。此謂約服。若將士。則所以靖遺孽者。安能遽釋短後之衣。

禘嘗之義

文公二年八月。大事於太廟。公穀謂之祫。左氏謂之禘。後人爭禘祫異同。或謂禘大。或謂祫大有。無羣廟。不無羣廟之異。又言王者禘其祖。所自出。重祭。非他比。中庸却與四祭中之嘗並舉。楚語。日月會於龍虺。土氣含收。天明昌作。國於是乎烝嘗。家於是乎嘗祀。是嘗家國皆得用之。解者不過曰順陰氣而已。可見先王制禮深意所在。俱不易識。豈謂禘難明。嘗易明哉。

禮所生也

生字作見字看、謂有等有殺、禮乃從此見耳、等殺禮、非二物

凡事豫則立節

言事行道與達道達德九經相表裏、非此外又有四項、所當豫、所當前定、皆謂誠、時變無常、其本則一、言事行道、逐事求前定、求豫、非所謂一矣、

誠者天之道也

以下每章分天道人道、天道皆指聖人、此處何獨指天、與下一誠者異、无妄自然便是天道、天與人合德也、二句虛起、下申明、注矢理之本然、推其原可耳、與人之生

也直一例

唯天下至誠為能化

中庸大率推明天德王道上章堯舜性之此章湯武反之動變化皆就物言豈尋常士人之事化貼至誠本身與注中物從而變句相承說下互歧化此恁麼陳卧子以臻於自然為化仍在學問說皆講章誤之

善必先知之二句

吉慶為善事凶禍為不善

今夫天二段

自斯昭昭之多至日月星辰繫焉合小太以明天之體所謂高明之極萬物覆焉乃言天之生物自一撮土之

多至振河海而不洩合小大以明地之體所謂博厚之極萬物載焉乃言地之生物日月星辰華嶽河海即天地之體非別為一物也山水二段又即天地中之大者皆能以不貳成生物不測之功何況天地上二節俱是言天地之道意可知已萬物覆焉渾言覆冒不得生物意天以大氣覆育萬物物各資之以為始天道下濟此化工實用但人日戴焉而不知耳

振河海而不洩

易振恒月令蟄蟲始振周禮振祭皆以振動振奮為義書震驚朕師史記作振驚蓋音義略同孟子金聲而玉振之謂樂將終再振作為收猶聲以始之不必聲嘗訓

始也。此兩處振收也。及周官中春敷振旅，皆是鄭望文作站，非字本義。

### 車同軌

軌為轍迹，而輪之間曲禮駟塵不出軌，及涂度以軌，無可疑也。然書中多與軌相亂，如祭左右軌，軌前十尺而策半之，字皆宜為軌。由詩濟盈不濡軌，毛傳誤以軌以上為軌，釋之意謂濟盈則車行水中，軌上當及直解為軌，而軌字不敢改。致兩字互相淆亂，妄者且謂軌有二，竊謂濟盈則車濕，行軌中安得不濡，義亦明白，何必受濡者定車前軌耶。

### 知天地之化育

經綸大經，達道行矣。大本即朱發之中，立本則全其中矣。知天地之化育，即天地位萬物育也。知猶乾知大始之知主也。助天行化，故曰贊以天自處，故曰知下達天德之達，亦言聖與天通，不作默契解。蓋論知當在經綸立本先，既進推大本，又推上天地，則本之本矣。萬物育統於天地，不倚，即指天地位亦可。

衣錦尚絅二句

錦為禮服，貴文也。但未接見尊長，服以待嫌，文著，褻其為錦，以絅護之。至行禮，仍去絅，彰錦之文，並非所重在絅。綠衣黃裏，詩猶刺之。若內服錦，外罩絅，成何禮服？又何不并去錦服，絅聖人斷章取義，仍須會古人本旨，質

文之解於義無涉。又文必不可著。以著為務。外則下文日章何謂耶。尚儉之意。更此處所無。綱或作聚。作藕。作尚。總即藕。是為麻之粗織者。惡者惡其無重文之心。棄之自喪其美。無以為章地。泥注為已。說文著是為人。只有闇然而已。

闇然而日章

日章文也。闇然尚綱也。從闇然推。到日章。而字順。遽日章處。仍是闇然。而字逆收。對詩詞重逆收。觀章未仍歸到無聲無臭。見萬物光華。總只在渾然一氣中人。天同一理。頭一个君子之道。統論大概。乃全章之冒。下面從闇然步步推出日章。如自內省不疚。直推到天下平。



却又步步歸入闇然。如說天下平，不過篤恭聲色化民，非本是也。第二個君子之道四句，申解闇然。日章形容知風以下方起入德，實在工夫。在內省不疚，皆於闇然。裕日章之本。於頭个君子之道，便說為已。節次全昧。

知遠之近三句

天下國家之本在家。遠之近也。脩身在正其心。風之自也。正心先誠其意。微之顯也。三知字格物致知入德與入道同。此明人陶樸菴說。遠風顯日章也。近自微闇然也。遠之近風之自。日章本於闇然也。微之顯闇然無不日章也。反覆明其理一。非但行文互體。

聲色之於白

非謂聲色為化民之末、乃言化民而於聲色論、則見之末耳、末猶檀弓末之國也、之末與下毛猶有倫、俱如俗語云、說不到家、

歲也

左傳襄二十八年、梓慎曰、今茲宋鄭其飢乎、歲在星紀而淫於元枵、以有時、災陰不堪、陽蛇乘龍、龍宋鄭之星也、不飢何為、參以史記、木金穰飢之理、於罪歲較有著落、鄒與魯閔章言、凶年饑歲、當主周禮中數曰歲、朔數曰年、今年冬至至明年冬至、歲也、今年正月朔至明年正月朔、年也、又天行謂之歲、人之行謂之年、

晉國天下莫強焉

梁趙韓同出於晉號三晉然惟梁得稱晉國以曲沃分在魏晉之故都晉水亦出其地襄二十二年傳范宣子為欒盈之難執魏獻子之手賂之以曲沃其來久矣

殺其麋鹿二句

魏明帝令殺禁地鹿者死財產沒官覺告者厚加賞是時禁地廣輪且千餘里人主縱欲為獸殺人如齊宣者多矣

畜君者好君也

此以同音為釋畜好古音皆讀若臭與仁者人也洛水者洪水也一例

國君進賢二句

以如不得已為謹之至意稍曲疑是不識其人而以為  
未存必進之心如斷不可已者與下文承接較直

謀於燕衆二句

史記二年而燕人立太子平是此二年中燕並無君但  
太子平卒立年表又云君噲及太子相子之皆死與世  
家自垂悞按世家叙太子四處俱係以名獨年表無平  
字蓋相字不下屬子之而上屬太子明時死者為太子  
相而佚其名太子自在也或以子之為太子相則事更  
不合若紀年云子之殺公子平又因年表展轉差悞

克告於君

魯平公與齊會於鳧繹樂正克道孟子於平公稱其有

輔世長民之德見外書

不受於褐寬博

賤者趨事衣未必寬博漢朱博敕功曹屬多褒衣大袖不中節度自今掾吏衣皆令去地三寸可知寬博與賤不宜蓋是方袍矩步故為儒緩好以禮責人之流斯固黜所不受也

無嚴諸侯

上文著萬乘字恐是諸侯之出兵衛森嚴非人易近可畏憚亦包在內

自反而不縮

說文縮一曰蹠也儀禮磬階間縮雷注古文縮為威爾

雅繩之謂之縮之詩大雅縮版以載是也國策縮於財  
用則匱義皆為感縮凡从宿之字如縮如縮大抵皆然  
檀弓古者冠縮縫本亦謂感狹其縫因下今也衡縫對  
衡解為從亦未遽訓直趙注縮義也望文作詿益無所  
本竊意曾子言自反平日束脩自好無一毫縱肆不收  
歛則立身無愧何畏於人此句先反言耳

今夫蹶者趨者

蹶本訓跳越語蹶而趨之唯恐弗及呂覽貴直篇聞而  
蹶往趨之皆謂跳越禮行毋蹶鄭注蹶行遽貌直行曰  
趨跳行曰蹶俗云一步當兩步不是既仆後又起走

寧我子貢善為說辭

據下文為辭命傳曰子產有辭諸侯賴之者也聘禮辭多則史少則不達善之為難二人在言語之科足當此任使者受命不受辭隨機而應總以不失使旨為善豈蘇張縱橫捭闔之流亡吳伯越聖門無一不被史遷說壞宰我有使楚代為夫子辭贈饋車物事

雖袒裼裸裎

裸說文作羸裼裸並訓袒義不別書亦互用在一處當略分袒如袒左袒右之袒偏露衣也裼解為去上衣見裼衣之裼裸全露體如左傳欲觀其裸之裸裎者方言禪衣無袍者趙魏之間謂之裎衣是也分袒裼為露臂裸裎露身未見所本

孟仲子

據孟氏譜即孟子之子

有采薪之憂

古之葬者厚衣之以薪葬之中野采薪預為之諫病者  
謙言不能自保

景丑氏

外書孟子三見齊王而不言事丑子云云高誘曰丑子  
即公孫丑世本曰齊公子朝之子字子景以字為氏亦  
曰景丑丑稱公孫疑或然然上文自有公孫丑下稱景  
子云同族可一人則非據單稱景子又疑景春其宗

吾何慊乎哉



少字解本趙注大學此之謂自慊古本作慊逸周書爵位不謙與慊同本字當為歉作慊作謙皆同音假借行有不慊於心與史記天下人民未有慊志又皆慊之假孟子謂蚘蠹

靈蠢隱於菜孟子使人問以書且遺之粟曰介士也疑即其人

客不悅曰

據外書即王燭

泄柳中詳

外書萬章曰子庚何人也孟子曰古之高人也子庚泄柳字申詳子張子檀弓申詳之哭言思注言思子游

子申詳妻之昆弟然則詳子將婿

彼一時也二句

彼一時非數過時可天下不用可聽之此一時則迫之至矣以不怨尤為脩己悞

夫天未欲節

彼一時此一時已以不豫自認然為天下計有之一身何不豫哉觀末吾字不豫豈為已起見以今論雖欲無不豫安可得時使然也方得孟子心事不是以不豫自辨

成觀

說文齊景公之勇且有成觀者古無觀字廣韻引孟子

亦是觀淮南齊俗訓作成荆按觀狠視也

今滕絕長補短二句

以今兗州滕縣合春秋時地形滕城在縣西南十四里縣南四十里即薛城縣東六里又為郕又縣北為邾莒邑哀二年伐邾將伐莒即此再縣十五里有濇河為邾田哀公二年季孫斯伐邾取濇東魯地無涉滕縣之境戰國時略可想

賢君必恭儉節

注恭則能以禮接下下指民禮即勸之不以禮之禮不說待士恭儉字相連如溫良恭儉恭儉不可偽為皆不定用度省嗇為儉大抵不敢有肆然民上之心又每事

收斂皆是仁處。下句一直可接。總注在取民有制。對下為富。恭儉不必分。下句更不用分。上下語脉如是。

庠者養也三句

王制耆老皆朝於庠。元日習射上功。庠亦習射。文王世子適東序養老。立學一體。教亦相同。養老習射隨時於其中行之。未必為立教專義。且使庠序各有所專。不應校獨空空言教。三學均教導之名。孟子就同音釋之。訓詁體當然耳。古讀射亦如序。詳拙書漢學諧聲。周官保氏掌養國子以道。即此養字。學則三代共之。無異名。非獨重。

以鐵耕乎

鐵即耜非耜屬考工記匠人耜廣五寸鄭注今之耜岐頭兩金賈疏耜謂耒頭金

舉舜而敷治焉

石經孟子無治字惟本無故趙注有敷治也之釋四書有本無字後添入者予有亂臣之臣惡居下流而訕上之流石經可考

勞之來之

釋文來本又作勑欲改字而不改音則下韻仍不叶矣者又謂來為勑之省借皆非來古重音為力說見庶民子來下

墨者夷之

韓非子墨子死後有相里氏之墨、相夫氏之墨、鄧陵氏之墨、儒分為八、墨離為三、莊子天下篇相里勤之弟子五侯之徒、南方之墨者苦獲、已齒、鄧陵之屬俱誦墨經相與別墨、又云、以巨子為聖人而願為之、尺、呂氏春秋有鉅子腹䟽居秦、所謂天下之言不歸揚則居墨也、桓王使史角往魯、其後在魯、墨子學焉、禽滑釐學於墨子、許犯學於禽滑釐、田繁學於許犯、亦見呂覽、若楊朱之徒、所見止心都子、孟孫陽、及其弟沛、又有禽子則介從否之間、

蓋歸反藁裡而掩之

藁裡、趙注籠番之屬、丁公著曰、土舉說文、相番也、一曰

從土葦齊人語也、或从里作裡、裡裡一字兩說俱是、朱子從後說、周禮鄉師職有葦輦、鄭引司馬法、周輜輦載一裡是也、

與壁奚乘

所嬖倖奚奴、非人名、

段干木

魏世家有段干子、又有段干明、老子之子宗為魏將、封段干、或其後呂覽干木光乎德、以干木為名、

段干木三節

通章三引皆不見之據、非夫子得中、餘子守義都解錯、是皆已甚句、以情理之常論似可見、不見為過、分然

二子斷不見如此仍繳歸不見不必添不與自然不見  
中節說孔子於陽貨始終不見不是說聖人不為已  
甚當是時陽貨先豈得不見亦就常情論之為見無疑  
而夫子矚亡往拜仍不見與是皆已甚句並是反革於  
宜見處明其不見耳看然豈得不見於章意不見諸侯  
全背末節由是觀之則君子所養可知三節一齊統  
繳不必專指曾子子路

病於夏畦

何義門據趙注切治畦灌園未見說文田五十畝曰畦  
注

園圃汙池沛澤多而禽獸至



上七字承壞宮室以為汙池四句而禽獸至承上邪說  
暴行又作即下文無父無君是禽獸意仍指畜養則於  
上邪說句為隔為贅

佑啓我後二句

相武誅紂公之事即武王之事推本文王言之佑啓後  
人包甚廣以後人公自指於武王說不去二句只言  
成功裕後帶講於引述意不甚要

陳仲子

於陵仲子字子終韓非譏其無益人國堅執類也與趙  
威后同意劉向上於陵子即其達達中庸取譏通人至  
讀其先人夢奠諸篇可謂無歎幽昧足有嚴慕者惜其

書今罕傳

旬旬往將食之

將解為持三咽始接聞之熊羈頤

盜跖

秦大盜也見李奇注莊周以為柳下惠之弟有孔子往見篇相去年分甚遠特寓言耳

公輸子

古詩誰能為此器公輸與魯班作兩人檀弓公輸若方少注為匠師蓋世匠其請以機封者則般為若之族

泄泄猶沓沓也

說文一引作泄一引作泄古文孟子如是皆謂多言正

與詩導沓同音義故釋之如此又恐人不曉泄泄猶沓  
沓之義因以事君無義云云解之重在第三句言上不  
不須另以急緩悅從為訓

涕出而女於吳

襄公二十三年晉將嫁女於吳齊侯違禮而媵之與此  
屬兩事

恭儉豈可以聲音笑貌為哉

全是相反豈外假得來非為偽為者責

有不虞之譽

方言虞虞望也左昭六年始吾有虞於子今則已矣杜  
解虞度義亦當為望不虞者非所望也

# 瞽瞍

古朱襄氏以多風陽氣畜積命士達作五絃瑟以來陰  
氣帝堯立命質為樂效山林谿谷之音以麋鞞置缶而  
鼓之瞽瞍乃拌五絃之瑟為十五絃命之曰大章舜立  
命延益之八絃為二十五絃命質修九招六列六英以  
明帝德見呂氏春秋是瞽瞍在堯時為樂官

## 其揆一也

說文無揆本从木作揆木也一曰度也尺度用木故以  
揆為度此其揆一也與上無道揆及書納於百揆皆當  
以尺度解之猶言矩也若揆之以日易初率其辭而揆  
其方以揆度義

惠而不知為政節

言如是則但知惠耳知為政者豈有是哉為子產辨非議子產傳言子產濟冬涉十一月十二月際冬令水淺故可涉時寒故涉者病夏於此時杞梁早成蓋其事已舉於九十月照夏時言之亦可

去三年不反二句

春秋傳豐卷奔晉子產請其田里三年而復之反其田里及其入焉所以厚待去國之臣者當時人心

人之所以異章

君子有天下後世之責者盡其性以盡人之性斯理不亡貴君子存之對下數章看不獨一身孟子以君子

自任歷敘帝王至孔子以已承之所謂我亦欲正人心  
正以存之也人禽之辨非但分別人物直由邪說暴行  
及異端無父無君使人道同於禽獸說入明君子存之  
之心不忍聽庶民終於去之注戰兢惕厲深合孟子吾  
為此懼之旨

舜明於庶物節

舜於倫物豈有不明察為天下示之著之也物全其生  
盡其用使各從類不與人混未嘗無倫而偏於一至如  
梟獍之類萬不可以倫言若人為萬物靈倫紀俱脩秩  
之聯之使不同於物此即人禽之大辨也由仁義行二  
句非謂舜性之不待存而無不存蓋用中於民總由仁

義而行非先擬一仁義在心而慕為之如後世楊墨之仁義也孟子示教萬世不嫌於舜時尚無異端

禹惡旨酒節

惡旨酒為人心防其溺也好善既自益亦為人勸

湯執中節

執中無不用中於民立賢無方多得人同正天下人心

文王視民節

望道不先說縱視民下則道即指帝王治民之道視民如傷非但慮無恒產深懼失其恒心望道而未之見注讀而為如七篇中如請野九一而助而居堯之宮而主癰疽義皆同

周公思無節

無三王而施四事此無不合思即得者也其有不合則四事之外雖皆三王經行時勢之易必折衷取善不合罷行合者即行有損有益仍是為監為因伏思仰思有何深淺仰思者上想三王焉得不昂首耶公用思無不得之理幸只是喜於得之無不幸一面

王者之述章

王迹既熄太史不復采風是謂詩亡詩亡則善惡是非不明於天下無復知義春秋之作所以存是非之心申大義以維王迹之衰也當直注義字不在辨詩亡雅亡史記王道衰而闕雅作詩序言王道缺而變雅興秦火



之後孔子所刪不可復見後儒以意補綴序次先後皆非原本黍離降為國風問誰降之其必非孔子也明矣春秋作於魯史何至一書悉載桓文言所記之事不過此類其義該得廣是非善惡孔子所以正人心而存之者於此乎辨專主尊周攘夷此外無復義乎

### 君子之澤章

君子小人無不斬之澤多不過五世惟聖道萬無斬理故雖未親受業莫非其傳私淑猶孔子曰竊取以致其謙不必從未得為孔子徒取義淑諸人即作仁義正人心使善看能言距楊墨者是亦聖人之徒也何嫌其未親炙尼山哉有私淑艾為教之一正與此同淑言善艾

兼懲惡一耳。

發乘矢

發矢示意四則嫌多。廣雅乘二也。方言飛鳥曰雙雁曰乘。凡經言乘禽乘壺乘韋並是二。非四。不必執四馬為乘之說。

天下之言性章

開首故字與苟求其故一樣看。故乃性之本然。以利為本。猶云和為貴。詳見前編。

禹之行水二句

行水即是事。疏濬挾排皆是不然。何用勞外八年之久。蓋不得行之法。無事者皆有事。矣。得行之法。有事者皆

無事矣。水有水之性，河之性善曲，禹隨其曲，載之高地，令東北行，同為逆河入海，而河無事矣。濟之性多伏，禹隨其起伏，自然令忽見忽隱，而濟無事矣。水源皆自西趨東，惟弱水性逆，禹隨其逆，導之西，令得所歸，而弱水無事矣。漳之性衡，故曰衡漳，橫決無常，禹任其衡，以不治治之，不强抑障，而漳無事矣。他水皆然，雖龍門不能不鑿，要其勢應鑿，非私智之為也。

### 曾子居武城

史記澹臺滅明，武城人。曾子南武城人，加南字別之。後人以為即今嘉祥，然見左氏傳者，但有武城，無南武城。嘉祥在魯北，亦不得言南。曾子居武城，非即武城人，就

南武城有其地無所證據不得即以嘉祥當之考武城  
在今費縣西南八十里石門山下屬沂州魯邾接界并  
南近吳略見昭二十三年哀八年傳費為季氏宗邑亦  
在沂州費縣西南七十里蓋與武城一處相距不遠季  
氏專魯武城想即費旁附邑不然清之役冉有不能以  
武城三百人為已徒卒此云曾子居武城國策甘茂則  
言曾子處費此言有越寇新序則言魯人攻鄆所引曾  
子言畧同鄆即費哀公嘗欲以越伐魯而去季氏來寇  
有魯人為引或越藉口魯招故記有互岐而此來注意  
攻費不在武城且越滅吳後雖邇魯實非心為魯必與  
季氏為難者武城復有險道曾子知其不久且去也越

遷都琅邪爭伯中國亦在沂州境則曾子所居武城非  
即子羽所家而何魯雖強臣柄國風教未衰武城邈有  
子游高柴之率多國士有若亦處之曾子居此或亦其  
邑大夫聘請觀費惠公之待子思風尚可想矣或以襄  
十九年城武城傳有懼齊語謂當為東武城界齊方懼  
之若近費之武城何必城豈知莒向等邑皆近今沂州  
為齊魯交爭地豈齊師不可從南陽來耶顧復初大事  
表極精地理於兩武城尚疑不決家語言曾子仕莒  
祿八千鍾外書言孟子之莒有曾子講堂在焉登堂彈  
琴而歌莒武城其地固相通

施施從外來

詩將其來施施鄭箋側問徐行則與施從之施同一解  
皆造字之假偏袖邪行亦得意之狀

帝使其子九男

堯有子十人而授舜舜有子九人而授禹

伊尹放之於桐五句

上三年紀處桐時日下則此三年無非悔過之日太甲  
賢君失德知悔豈待六年之久又處桐三年亦是太甲  
居仲壬喪原有諒陰三年之禮因請廬於墓所而日訓  
述先王之德不然於桐亦何定三年之限哉放桐自  
係太甲始立事如史記太甲始立三年不明則在位失  
德之久先不忍放後乃不已而放且太甲能顛覆典刑

尹身之不保其又能放劉向告成帝湯無葬處假桐為湯墓所在向豈不知居仲壬喪自說得去宋有桐門又有空桐哀二十六年大尹自空桐入如沃宮疑即放桐之桐沃宮為故沃太甲處

否不然

否不然似重說文者相與語唾而不受也从丷从否否亦聲以聲義推之即俗呿字字書所謂相爭之聲否本否字當以呿音讀之蓋聲而非辭後漢書張步傳負負無可言者負負亦如呿呿

天誅造攻自牧宮

牧宮未必即鳴條要近夏都造解為往始於下句有情

訓始義與載複又一說桀崇修宮室有養異類日殺百姓造工不休其失天心由此始

主司城貞子二句

宋以武公名廢司空改司城司城明宋官哀七年傳曹伯使公孫彊為司城曹為宋服或效之不得執此謂各國有此官大文緊接是時孔子當阨是司城為當阨時所主非過宋後所主惟貞子正人故敬禮孔子不與魋為黨孔子亦信其人藉以為主微服過宋亦必貞子陰左右之大旨言孔子當阨不苟於主至為陳侯周臣向不過追述其人即先仕陳者孔子去宋後由鄭再至陳仕陳自與孔子無涉特賴世族譜司城氏陳哀公孫誤



由史記以貞子為陳人

接漸而行

本澆漸澆音勞說文浚乾清來也傳寫誤接漸如菟爾而笑今亦誤莞爾

集大成也十句

始終一器不可言小成小成若清宮調清商調之類一音為始終非一器也集大成似不必以樂之一成為小成者觀說蓋一成中具八音亦必有鐘聲之磬收之大成則所以聲振者其所用金玉不同耳金石亦在八音條理中為編鐘編磬金聲玉振則特鐘特磬其制較凡鐘磬為特巨衆音之條理全恃此金玉之聲振為

終始集大成謂集樂之大成也一成九成在內八音別出金石說亦非是

金聲也者四句

衆音各有條理猶三子自成其為音夫子如金以始之於條理無不統也玉以終之於條理無不全也金始之時當始也玉終之時當終也中即寓仕處久速當可為之兆也

上文未見小試行道之端另俟可行之兆語又涉懸蓋魯疑聖道大行之不易夫子就獵較示道之行無矯拂人情之事從此庶堅其信則從獵較正是為之兆

在國曰市井六句

臣非庶人之稱市井草莽本皆庶人因傳贄為臣始稱  
此述其自來耳其未傳贄則仍然市井草莽庶人無臣  
稱安得見諸侯禮以為在國在野亦稱臣殊謬

以皮冠

韋弁為禮服之冠皮冠非韋弁君出田獵則冠之如楚  
靈王去皮冠與子革語以方田獵衛獻公不釋皮冠而  
孫甯二子怒非禮冠可知君被冠虞人亦皮冠豈上下  
無別其指以此乃使人持示令知將田往山澤倫應耳  
非由外錄我也

以火銷金此詁字義意取自外至內如今點金鍍金金  
在外非本來之美泥銷字作削銷銷鎔說到去私一路

試問我固有之如何接前人兼損益二義不知外飾但言益不言損嘗論此鑠字解如詩於鑠王師之鑠為美之顯天下莫美於仁義禮智亦莫顯鑠於仁義禮智豈由外得之意較明白

一心以為鴻鵠將至

學奕又思學射如鴻鵠之來前所謂不專心致志鴻鵠非泛說

學問之道二句

求放心為學問之道則責重放心仍歸學問味大文是言人所以貴學問惟心之求耳外注程子云聖賢千言萬語只是欲人將心反入身來與上文一直

養其槭棘

注解小棗爾雅槭酸棗趙注孟子槭棗小棗蓋孟子原本  
文本是槭棗訛為棘爾雅車行疏及玉篇唐本草可證

心之官三句

心之異於耳目以思思則得之此其官所以貴為不蔽  
於物非若耳目之官不思則不得為物蔽也若兩句統  
承心之官則口氣要說思則得之除不思則不得下句  
仍繳轉能思之功方合此處明心之思為大體無責  
成不思意解者多失之

子服堯之服

詩寤寐思服祭統纂乃祖服鄭並解服事也服堯之服

如云事堯之事兼言行石內

居下位三句

論語引伯夷數處孟子更多但謂非君不事非民不使治則進亂則退則伯夷非慝世者此又以居下位言之更似先曾任職棄去並不一言及兄弟讓國豈以好名之人能讓千乘之國其事為所不取乎抑本無其事乎奈何孔孟不信而信史遷一家之說

昔者王豹六句

淇衛地至渡河以後漸入晉戰國時為魏地高唐為齊田氏得封始大之邑孟子外書淳于髡曰昔者揖封生高商而齊人好歌杞梁之妻悲哭而莒人稱詠與此畧

有異同

天子適諸侯四句

自入其疆以下遙接天子巡狩則諸侯之朝自指方嶽之朝而省耕省斂皆天子事不應諸侯分屬

尊賢育才二句

就用人說複取士必得疑指興學立教擇賢者尊為師長選士之才者教之以明德行之重

無有封而不告

向以諸侯不得有專封事解封為寔然葬祭大事不宜居五命末且與上睦鄰事不類蓋諸侯地域彼此犬牙相錯應有樹址年久模糊致邊民相侵或因啓衅故再

令封人培土樹木為界必告者明各守其舊無所踰越管子言三歲脩封五歲脩界十歲更制社邑尚然況隣鄰境封而不告將致疑或有責言固圍睦鄰兩不可失

### 萬物皆備章

末節說到推己萬物自身心家國之理俱該在內反身而誠意誠心正而身脩由是可推之家國天下絜矩以公好惡皆本性自然之理仁在是矣強恕而行求仁莫近為己進於誠於萬物之同原不隔論道理先誠後恕用工夫由恕求誠夫子所以教子貢如是

### 古之人得志節

上二節義已盡更舉古之人證明得志澤加於民即達



不離遣二句不得志脩身見於世即窮不失義二句窮則獨善云云又即得志不得志二句注脚非二事也見於世只當立於世解蓋獨善其身不說名實顯著名實近事功獨善則不求見

如其自視歛然

人之嗜利邱壑難盈而能不以為喜且凜然如在陷穽中則知憂知懼而勉於善豈不過人之遠韓魏之家就戰國言之不必推上晉去

善政得民財

為民生財有道得者使民各足也君無不足意不入正講

五畝之宅節

此節言自古老者所以得養之理起下文王文王文王之政在所謂節見

楊子取為我章

觀所惡執一句申明楊墨所以當距子莫蓋有見於其非欲中立而仍蹈楊墨執一之弊焉能闢之故必知中之有權而後免於執一仍重在距楊墨明已所以闢之者不同子莫知距楊墨而失距之道較楊墨稍勝而不足以服楊墨之心蓋舉一廢百同為賊道孟子望人闢異端為已助示以闢之宜中而有權非以子莫與楊墨同闢他章言楊墨之害不及子莫又言距楊墨者聖

人之徒子莫豈在所聞哉

### 桃應

齊伐趙桃應將問於孟子曰無嗜殺將心也勿爭功將才也其人蓋才士

### 呼於埵澤之門

宋有蒙澤逢澤無門意即澤門宋役夫謳處又宋有桐門在城北曹門在西北正東曰楊門澤門則東城南門魯在宋之東

### 改廢繩墨

韋昭國語注五尺為墨今墨工各用五尺以成宮室其名曰墨則墨者工師之尺度世俗用墨斗

虎賁三千人

曰虎賁以明其勇不分甲士步卒史記於虎賁三千人下加甲士四萬五千人似專指步卒豈有甲士反多於步卒者周官虎賁氏其屬八百以官屬言三千太多有欲依牧誓改三百不知周官後來所定三千統甲步在內為數原非過

山徑之蹊二句

朱子答陳同父鄙意轉覺癡怯况本來只是問介學問間介是微小不開濶之意或古方言

齊饒章

齊有兩棠一在今東昌府堂邑縣襄二十五年傳齊棠

公杜注棠邑大夫後說為堂又襄六年萊共公奔棠萊邑後入齊即今膠州之甘棠社齊靈公將走鄆棠處東昌稍近齊都卒為善士似馮婦先為凶人後遷善者殊不知歲饑虎暴皆民害振饑御惡應行之事但要問職守所在先之請發仕齊為客卿不容膜視斯民今決去責非我任再請為越分逃譽故不可如前仕齊豈有視民饑不為復請者馮婦搏虎亦先在師武臣列除害其本職不為逞惡後去職為鄉里善人搏虎自有任者因虎之負嵎莫之敢撓仍慮其傷人狗象之情雖一片救民除患之意非其分應得故為士笑上士為無位者此士則出位為戒之君子意自異謂馮婦有心逞勇攘

臂有楊楊自得狀非引喻本旨

今之與楊墨節

天下幾人知距楊墨能距即失之過非所甚責今指已言申明所以歸斯受之之意先失所歸如放豚之追入苙深幸其歸更從而招其未歸者總不忍使人為楊墨所誘

夫子之設科也

古本子有作予者汪慧菴先生主之謂合注不保其往之意然頗嫌為從者認竊自處不知情故仍守前說  
進取不忘其初

上二字貼狂下四貼還簡即還執不為成見終如其始

四書集注卷之五  
所謂不忘其初若屬狂志大不能踐言乃初終不一也

散宜生

申培說文王舉閔天散宜生而詩人咏之蓋即鬼置之  
詩墨子則云舉閔天大顛於置網之中傳聞互異

四書續談外編補

惟我與爾有是夫

用舍二句義似平意却重在用邊蓋回見只藏其於用舍皆宜莫信其有是夫子獨心許之觀下節子路只在行邊說章內三與字針鋒一直相對舊說夫子語子貢吾與女俱不如集注改作許與之與此處似亦宜然

誰能執熱二句

既執而後濯則已熱非所執而手為傷先濯而後執則一冰手恐不勝熱之熾不知執熱對欲無敵於天下以濯對仁仁為勝天下之本濯為勝熱之具先以濯制其熱而後不難於執先以仁勝天下而後可無敵向解已



猶以一杯水

告子篇猶栝櫨也。同一物不宜先後異字。說文有栝無  
杯。杯俗作。又疑杯之訛。猶云一掬水。如捧土以塞孟門  
之喻。

附辨古文論語鄭注

鄭康成爲漢大儒。獨其解論語一言以蔽。謂蔽塞也。繹  
之爲貴。繹陳也。其言也訥。訥不忍言也。卓爾絕望之辭。  
殊不可曉。然猶曰義理之疎。其考據典禮。謂繪畫先布  
衆色。然後以素分布其間。以成文。解告朔特羊告廟并  
撰天子用特牛。君召使擯。泥三擯之說。不知魯當四擯。

而解泰伯三讓以季歷赴之不奔喪為二讓十人首之  
母從陳蔡者皆不及仕進之門晉文公譎而不正專指  
河陽名天子皆不根之詞若子桑卞莊子皆秦大夫太  
師摯周平王時人八士周公相成王時人則記述之異  
不足辨也嘗覽皇侃所集古論語注十三家嘆朱子於  
羣言淆亂有廓清之功後人務揚漢學抑宋儒致目康  
成為聖人如夏瑚商璉及既聘而享用圭璧之誤力抵  
集注不知並沿自康成也因見王伯厚所輯而論之

附說文古文論語孟子異同

論語 智謂大山 以杖荷筱 荷蕢過孔氏之門  
訴子路於季孫 跖予之足 譎曰 不使勝食既

色字如也 色艷如也 擾而不輟 文質份份 朝

服純紳 狐貉之厚以居 習善射 結衣長 小人

窮斯媿矣 友諛倭

孟子 故諛諛而來 般人七十而耄 曾西赦然

孝子之心不若是念 孔子去齊澆淅而行 二女嫫